

戎政典

戎政典第一百三十三卷

兵略部彙考三十一

宋三

後廢帝元徽二年五月江州刺史桂陽王休範反羽林監陳顯達越騎校尉張敬兒等破之休範伏誅按宋書後廢帝本紀元徽二年五月壬子太尉江州刺史桂陽王休範舉兵反庚寅內外戒嚴加中領軍劉劭鎮軍將軍加右衛將軍齊王平南將軍前鋒南討出屯新亭征北將軍張永屯白下前南兖州刺史沈懷明戍石頭衛將軍袁粲中軍將軍褚淵入衛殿省壬辰賊奄至攻新亭壘齊王拒擊大破之越騎校尉張敬兒斬休範賊黨杜黑蠡丁文豪分軍向朱雀航劉劭拒賊敗績力戰死之右軍將軍王道隆奔走遇害張永潰于白下沈懷明自石頭奔散戊午撫軍典籤茅恬開東府城賊賊入屯中堂羽林監陳顯達擊大破之內中張敬兒等破賊于宜陽門莊嚴寺小市進平東府城梟擒羣賊賞賜封爵各有差按桂陽王休範傳時夏口闕鎮朝議以居尋陽上流欲樹置腹心重其兵力元徽元年乃以第五皇弟晉熙王燮爲郢州刺史長史王奐行府州事配以資力出鎮夏口

慮爲休範所撥留自太湫去不過尋陽休範大怒欲舉兵襲朝廷密與典籤新蔡人許公輿謀之表
治城池修起樓堞多解榜板擬以備用其年進位太尉明年五月遂舉兵反擄發百姓船乘使軍隊
稱力請受付以榜解板合手裝治二三日間便悉整辦率衆二萬鐵騎數百匹發自尋陽晝夜取道
大雷戍主杜道欣馳下告變道欣至一宿休範已至新林朝廷震動平南將軍齊王出次新亭壘領
軍將軍劉劭前兖州刺史沈懷明據石頭征北將軍張永屯白下衛將軍袁粲中軍褚淵尙書左僕
射劉秉等入衛殿省時事起倉卒不暇得更處分開南北二武庫隨將士意取休範于新林步上及
新亭壘自臨城南于臨滄_闕上以數十人自衛屯騎校尉黃回見其可乘乃僞往降并宣齊王意
旨休範大悅以二子德宣德嗣付回與爲質至卽斬之回與越騎校尉張敬兒直前斬休範首持還
左右並奔散初休範自新林分遣同黨杜耳丁文豪杜墨蠡等直向朱雀門休範雖死墨蠡等不相
知聞王道隆率羽林兵在朱雀門內聞賊至急召劉劭自石頭來赴仍進柝南戰敗死之墨蠡等
乘勝直入朱雀門王道隆爲亂兵所殺墨蠡等唱云遣隊主陳靈寶齋首詣臺道逢賊棄首于水挺
身得達雖唱云已平而無以爲據衆愈疑惑張永棄衆于白下沈懷明于石頭奔散撫軍典籤茅恬

開東府納賊墨蠡逕至杜姥宅中書舍人孫千齡開闕明門出降宮省恒擾無復固志時庫藏賞賜

已盡皇太后太妃剔取宮內金銀器物以充用羽林監陳顯達率所領於杜姥宅與黑蠡戰破之至

宣陽御道諸賊一時奔散斬黑蠡文豪及同黨姜伯玉柳仲虔任天助等許公輿走還新茶村民斬

送之晉熙王爽自夏口遣軍平尋陽德嗣弟青牛智藏並伏誅按劉劭傳桂陽王休範爲亂奄至

京邑加劭使持節領軍置佐史鎮扞石頭旣而賊衆屯朱雀旂南右軍王道隆率宿衛向朱雀聞賊

已至急信召劭劭至命閉旂道隆不聽催劭渡旂進戰率所領于柎南戰敗臨陳死之按袁粲傳

桂陽王休範爲逆粲扶曳入殿詔加兵自隨府置佐史時兵難危急賊已至南掖門諸將意沮咸莫

能奮慷慨謂諸將帥曰寇賊已逼而衆情離沮孤子受先帝顧託本以死報今日當與褚護軍同

死社稷因命左右被馬辭色哀壯于是陳顯達等感激出戰賊卽平殄按南齊書太祖本紀宋

明帝誅戮蕃戚江州刺史桂陽王休範以人凡獲全及蒼梧王立更有窺伺顓望習馳馬招聚士衆

二萬人騎五百匹發湓口悉乘商旅船大雷戍主杜道欣鵠頭戍主劉魯期告變朝廷惶駭太祖與

護軍褚淵征北張永領軍劉劭僕射劉秉游擊將軍戴明寶驍騎將軍阮佃夫右軍將軍王道隆中

書舍人孫千齡員外郎楊運長集中書省計議莫有言者太祖曰昔上流謀逆皆因淹緩至於覆敗
休範必遠懲前失輕兵急下乘我無備今應變之術不宜念遠若偏師失律則大沮衆心宜頓新亭
白下堅守宮掖東府石頭以待賊千里孤軍後無委積求戰不得自然瓦解我請頓新亭以當其鋒
征北可以見甲守白下中堂舊是置兵地領軍宜屯宣陽門爲諸軍節度諸貴安坐殿中右軍諸人
不須競出我自前驅破賊必矣因索筆下議並注同中書舍人孫千齡與休範有密契獨曰宜依舊
遣軍據梁山魯顯間右衛若不出白下則應進頓南州太祖正色曰賊軍已近梁山豈可得至新亭
既是兵衝所以欲死報國耳常日乃可屈曲相從今不得也座起太祖謂劉勔曰領軍已同鄙議不
可改易乃單車白服出新亭加太祖使持節都督征討諸軍事平南將軍加鼓吹一部治新亭城壘
未畢賊前軍已至太祖方解衣高臥以安衆心乃索白虎幡登西垣使監朔將軍高道慶羽林監陳
顯達員外郎王敬則浮舸與賊水戰自新林至赤岸大破之燒其船艦死傷甚衆賊步上新林太祖
馳使報劉勔急開大小桁撥淮中船舫悉渡北岸休範乘肩輿率衆至壘南上遣監朔將軍黃回馬
軍主周盤龍將步騎出壘對陣休範分兵攻壘東短兵接戰自己至午衆皆失色太祖曰賊雖多而

亂尋破也楊運長領三齊射手七百人引彊命中故賊不得逼城未時張敬兒斬休範首太祖遣隊主陳靈寶送首還臺靈寶路中遇賊軍埋首道側臺軍不見休範首愈疑懼賊衆亦不知休範已死別率杜黑蠡急攻壘東司空主簿蕭惠領數百人突入東門叫噪至堂下城上守門兵披退太祖挺身上馬率數百人出戰賊皆推楯而前相去數丈分兵橫射太祖引滿將發左右將戴仲緒舉楯扞之箭應手飲羽傷百餘人賊死戰不能當乃却衆軍復得保城與黑蠡拒戰自晡達明旦矢石不息其夜大雨鼓叫不復相聞將士積日不得寢食軍中馬夜驚城內亂走太祖秉燭正坐厲聲呵止之如此者數四賊帥丁文豪設伏破臺軍于阜莢橋直至朱雀桁劉勔欲開桁王道隆不從勔及道隆並戰沒初勔高尙其意託造園宅名爲東山頗忽世務太祖謂之曰將軍以顧命之重任兼內外主上春秋未幾諸王並幼冲上流聲議遐邇所聞此是將軍艱難之日而將軍深尙從容廢省羽翼一朝事至雖悔何追勔竟不納賊進至杜姥宅車騎典籤茅恬開東府納賊冠軍將軍沈懷明於石頭奔散張永潰於白下宮內傳新亭亦陷太祖執蒼梧王手泣曰天下敗矣太祖遣軍主陳顯達任農夫張敬兒周盤龍等從石頭濟淮間道從承明門入衛宮闕休範旣死典籤許公與詐稱休範在新

亭士庶惶惑詣壘投名者千數太祖隨得輒燒之乃列兵登城北謂曰劉休範父子先昨皆已卽戮屍在南岡下身是蕭平南諸軍善見觀君等名皆已焚除勿有懼也臺分遣衆軍擊杜姥宅宣陽門諸賊皆破平之太祖振旅凱入百姓緣道聚觀曰全國家者此公也按張敬兒傳朝廷疑桂陽王休範密爲之備乃起敬兒爲寧朔將軍越騎校尉桂陽事起隸太祖頓新亭賊矢石旣交休範白服乘輦往勞樓下城中望見其左右人兵不多敬兒與黃回白太祖曰桂陽所在備防寡闕若詐降而取之此必可擒也太祖曰卿若能辦事當以本州相賞敬兒相與出城南放仗走大呼稱降休範喜召至輦側回陽致太祖密意休範信之回目敬兒敬兒奪取休範防身刀斬休範首休範左右數百人皆驚散敬兒馳馬持首歸新亭除驍騎將軍加輔國將軍太祖以敬兒人位旣輕不欲便使爲襄陽重鎮敬兒求之不已乃微動太祖曰沈攸之在荊州公知其欲何所作不出敬兒以防之恐非公之利也太祖笑而無言乃以敬兒爲持節督雍梁二州郢司二郡軍事雍州刺史按陳顯達傳太祖討桂陽賊於新亭壘劉劭大桁敗賊進杜姥宅及休範死太祖欲還衛宮城或諫太祖曰桂陽雖死賊黨猶熾人情難固不可輕動太祖乃止遣顯達率司空參軍高敬祖自查浦渡淮緣石頭北道

入承明門屯東堂宮中恐動得顯達至乃稍定顯達出杜姥宅大戰破賊以功封豐城縣侯

順帝昇明元年冬十二月車騎大將軍荊州刺史沈攸之反司徒袁粲等應之粲敗被殺二年正月攸之兵敗死之按宋書順帝本紀昇明元年十二月丁巳車騎大將軍荊州刺史沈攸之舉兵

反丁卯錄公齊王入守朝堂侍中蕭嶷鎮東府戊辰內外纂嚴己巳以郢州刺史武陵王贊爲安西

將軍荊州刺史征鹵將軍離州刺史張敬兒進號鎮軍將軍右衛將軍黃回爲平西將軍郢州刺史

督諸軍前鋒南討征鹵將軍呂安國爲湘州刺史都官尙書王寬加平西將軍庚午新除左衛將軍

齊王世子奉新除撫軍將軍揚州刺史晉熙王燮鎮尋陽之湓城壬申以驍騎將軍周粲龍爲廣州

刺史是日司徒袁粲據石頭反尙書令劉秉黃門侍郎劉述冠軍王湛率衆赴之黃回及輔國將軍

孫曇瓘屯騎校尉王宜興輔國將軍任侯伯左軍將軍彭文之密相響應中領軍劉韞直閣將軍卜

伯興在殿內同謀錄公齊王誅韞等於省內軍主蘇烈王天生薛道淵戴僧靜等陷石頭斬粲於城

內秉述蒞踰城走追擒之並伏誅其餘無所問豫州刺史劉懷珍離州刺史張敬兒廣州刺史陳顯

達並舉義兵司州刺史姚道和梁州刺史范柏年湘州行事庾佩玉擁衆懷貳甲戌大赦天下乙亥

以尙書僕射王僧虔爲尙書左僕射新除中書令王延之爲尙書右僕射吳郡太守劉遐據郡反輔國將軍張瓌討斬之閏月辛巳屯騎校尉王宜興有梟伏誅癸巳沈攸之攻圍郢城前軍長史柳世隆固守攸之弟登之作亂於吳興吳興太守沈文秀討斬之己亥內外戒嚴假錄公齊王黃鉞辛丑寧朔將軍北秦州刺史武都王楊文慶進號征西將軍乙巳錄公齊王出頓新亭二年春正月沈攸之遣將公孫方平據西陽辛酉建寧太守張謨擊破之丁卯沈攸之自郢城奔散己巳華容縣民斬送之左將軍豫州刺史劉懷珍進號平南將軍辛未鎮軍將軍雒州刺史張敬兒克江陵斬攸之子元琰荊州平同逆皆伏誅丙子解嚴按沈攸之傳順帝卽位進攸之號車騎大將軍開府儀同三司加班劍二十人遣攸之長子司徒左長史元琰齎廢帝劊斬之具以示攸之元琰旣至江陵攸之便有異志腹心議有不同故其事不果其年十一月乃發兵反叛攸之素蓄士馬資用豐積至是戰士十萬鐵馬二千遣使要雒州刺史張敬兒梁州刺史范伯年司州刺史姚道和湘州行事庾佩玉巴陵內史王文和等敬兒文和斬其使馳表以聞伯年道和佩玉懷兩端密相應和十二月十二日攸之遣其輔國將軍中兵參軍督前鋒軍事孫同率寧朔將軍中兵參軍武寶龍驤將軍騎兵參軍

朱君拔寧朔將軍沈慧真龍驤將軍中兵參軍王道起又遣司馬冠軍將軍劉懷兵率寧朔將軍外
兵參軍公孫方平龍驤將軍騎兵參軍朱靈寶龍驤將軍騎兵參軍沈僧敬龍驤將軍高茂又遣輔
國將軍中兵參軍王靈秀輔國將軍中兵參軍丁珍東率寧朔將軍中兵參軍王珍之寧朔將軍外
兵參軍楊景穆相繼俱下攸之自率輔國將軍錄事參軍兼司馬武茂宗輔國將軍中兵參軍沈韶
寧朔將軍中兵參軍皇甫賢寧朔將軍中兵參軍胡欽之龍驤將軍中兵參軍東門道順閏十月四
日至夏口攸之將發江陵使沙門釋僧桀筮之曰不至京邑當自郢州回還意甚不悅初江津有雲
氣狀如塵霧從西北來正蓋軍上至沌口云當問訊安西暫泊黃金浦既登岸郢城出軍擊之攸之
聞齊王世子據盆口震懾不敢下因攻郢城時齊王輔政遣衆軍西討尙書符征西府曰尊冠賤履
君臣之位奉順忌逆民敗斯兆未有憑陵我郊圻侵軼我河縣而不焚師殪甲靡旗亂轍者也沈攸
之少長庸賤擢自閭伍邀百戰之運乘一捷之功鑄山裂地腰金拖紫窮貴於國極富於家擁旄蕃
伯便無北面之禮受督志屏卽有專征之聲橘柚不薦璆璫罕入箕賦深斂毒被南郢枉繩矯墨害
著西荆饕餮其心谿壑其性從始至終浚壯得老今驅迫妖黨繕集阡卒結疊外城送死中甸是而

可忍孰不可懷今遣新除使持節督郢州之義陽諸軍事平西將軍郢州刺史聞喜縣開國侯黃回
員外散騎常侍冠軍驍騎將軍南臨淮太守重安縣開國子軍主王敬則輔國將軍屯騎校尉長壽
縣開國男王宜與輔國將軍南高平太守軍主陳承叔輔國將軍左軍將軍南濮陽太守葛陽縣開
國男軍主彭文之龍驤將軍驃騎行參軍軍主召宰精甲二萬前鋒雲騰又遣散騎常侍領游擊將
軍湘南縣開國男新除使持節督湘州諸軍事征南將軍湘州刺史軍主呂安國屯騎校尉寧朔將
軍崔慧景輔國將軍軍主任侯伯輔國將軍驍騎將軍軍主蕭順之輔國將軍游擊將軍軍主垣崇
祖寧朔將軍虎賁中郎將軍主尹略屯騎校尉南城令曹虎頭舳艫二萬駱驛繼邁又遣輔國將軍
後軍將軍右軍中兵參軍事軍主荀元賓寧朔將軍撫軍中兵參軍事軍主郭文孝龍驤將軍撫軍
中兵參軍事軍主程隱雋輕艦一萬截其津要新除使持節督廣交越寧湘州之廣興諸軍事領平越
中郎將征南將軍廣州刺史統馬軍主沌陽縣開國子周盤龍輔國將軍後軍統馬軍主張文禧龍
驤將軍軍主薛道淵冠軍將軍游擊將軍并州刺史南清河太守太原公軍主王敕勤龍驤將軍射
聲校尉王洪軌龍驤將軍穴從僕射軍主成置等鐵馬五千龍驤後隊凡此諸師莫不勇力動天勁

志駕日接衝拔距鷹麟鶚視顧盼則前後風生暗鳴則左右電起以此攻城何城不克以此赴敵何敵能堅然後鑾戎薄臨龍虎百萬六軍齊軌五輅舒旆丹檻發照素甲生波樓煩白羽投鞍成岳漁陽墨騎浴鐵爲羣芝艾同焚悔將何及符到之日幸加三省其鋒敵營壁之主驅逼寇手之人若有投命軍門一無所問或能因罪立績終不爾欺斬裾射珥唯功是與能斬送攸之首封三千戶縣公賜布絹各五千匹信如河海皎然無貳飛火軍攝文書千里驛行齊王出頓新亭馳檄數攸之罪惡曰夫彎弓射天未見能至揮戈擊地多力安施何則逆順之勢定殊禍福之驗易原也是以違乎天者鬼神不能使其成會乎人者聖哲不能令其毀故劉繇賴七國連兵之勢隗囂恃跨阿據隴之資毋丘儉伐其踰海越島之功諸葛誕矜其待士愛民之德彼四子者皆當世雄傑以犯順取禍覆窟傾巢爲豎子笑況乎行陳凡才斗筭小器而懷問鼎之志敢搆無君之逆哉逆賊沈攸之出自萊畝寂寥累世故司空沈公從父宗陰愛之若子卵翼吹噓得升官秩廢帝昏悖猜畏柱臣攸之貪競乘機凶忍趨利躬行反噬請銜誅旨又攸之與譚金童太壹等並受寵任朝爲牙爪同功共體世號三侯當時親昵情過管鮑遭仰革運凶黨懼戮攸之狡猾用數圖全賣禍旣殺從父又害良朋雖呂布

販君酈寄賣友方之斯人未足爲酷秦始開關網漏吞舟略其凶險取其搏噬故得階亂獲全因禍保福攸之空淺躁而無謀濃湖崩挫本非己力及北伐彭泗望賊宵奔重討下邳一鼓而遁再鄙王師又應肆法先帝英聖量深河海宥其回谿之敗冀收曲嶠之捷故得推遷幸會頓升崇顯內端戎禁外臨方牧聖靈鼎湖遠頒顧命託寄崇深義感金石而攸之知奉國諱喜見於容普天同哀己以爲慶此其樂禍幸災大逆之辜一也又攸之累登蕃兵自郢遷荆晉熙殿下以皇弟代鎮地尊望重攸之肆情陵侮斷割候迎料擇士馬簡算器甲精器銳士並取自隨郢城所留十不遺一專擅略據罔顧國典此其包藏禍志不恭不虔大逆之罪二也又攸之踐荆以來恆用姦數既欲發兵宜有因假遂乃感迫羣蠻騷擾山谷揚聲討伐盡戶發上蟻聚郭邑伺國盛衰從來積年永不解甲遂使四野百縣路無男人耕田載租皆驅女弱自古酷虐未聞有此其侮蔑朝廷大逆之罪三也去昔桂陽奇兵闕起京師內學宗廟阨危攸之任居上流兵彊地廣救援顛沛實宜悉力國家倒懸方思身慮威遣弱卒三千並皆羸老使就郢州稟受節度欲令判否之日委臯晉熙何其平日轉張寶輕周邵爾時恭謹虛重皇戚此其伏慝藏詐持疑兩端大逆之辜四也又攸之累據方州跋扈滋甚招誘輕

狡往者咸納羈絆行侶過境必留仕子窮困不得歸其鄉商人畢命無由還其土叛亡入境輒加攤護逋逃出界必遣窮追此其大逆之舉五也又攸之自任專恣待行慘酷視吏若讎遇民如草峻太半之賦暴參夷之刑一人逃亡闔宗補代毒徧嬰孩虐加斑白獄囚恆滿市血常流男不得耕女不得織奔馳道路號哭動天皇朝赦令初不遵奉欲殺欲擊故曠蕩之澤長隔彼州此其無君陵上大逆之舉六也蒼梧狂凶釁深桀紂猜貳外蓄鸚目西顧留其長息元琰以爲交質父子分張彌積年稔賴社稷靈長獨夫遄戮攸之豫冀心靈同歡幸遂迷惑顛倒深相嗟惜舉言哀桀揚聲吠堯此其不辨是非罔識善惡違情背理大逆之舉七也廢昏立明先代盛典交廣先到梁秦蚤及而攸之密邇內畿川塗弗遠驛書至止晏若不聞未遣章表奄積旬朔防風後至夏典所誅此其大逆之舉八也昇明肇曆恩深澤遠申其父子之情矜其骨肉之恩馳遣元琰銜使西歸並加崇授寵貴重疊元琰達西便應反命攸之得此集聚蒙誰之恩不荷盛德反生讎釁此其大逆之舉九也攸之以谿壑之性含梟鳩之腸直置天壤已稱醜穢況乃舉兵內侮逞肆姦回斯實惡熟舉成之辰決癰潰疽之日幕府過荷朝寄義百常憤董司元戎龔行天罰今皇上聖明將相仁厚約法三章輕刑緩賦年

登歲阜家給人足上有惠和之澤下無樂亂之心攸之不識天時妄圖姦逆舉無名之師驅怨讎之黨是以朝野審其易取含識判其成禽熊羆厲爪蓄攫裂之心虎豹摩牙起吞噬之憤鼓怒則冰原激電奮發則霜野奔雷以此定亂豈移晷刻雖復衆徒梗陸舉郡阻川何足以抗沸海之濤當燒山之炤彼土士民罹毒日久逃竄無路常所憫然今復相逼起接鋒刃交戰之日蘭艾難分土崩倒戈宜爲蚤計無使一人迷昧而九族就禍也弘宥之典有如皎日攸之盡銳攻郢州行事柳世隆隨宜距應屢摧破之攸之與武陵王贊牋曰江陵一總八州地居形勝鎮撫之重宜以上歸本欲仰移節蓋改臨荆部所以未具上聞者欲待至止面自咨申不圖重關擊柝覲接莫由若使匡朝之誠終蔽於聖察襲遠之舉近攤於郢都則無以謝烈士之心何用塞義夫之志便不犯關陵漢期一接奉若夫斬蛟陷石之卒裂帛卷鐵之將煙騰颿迅容或驚動左右苟不獲已敢不先布下情又曰下官位重分陝富兼金穴子弟勝衣爵命已及親黨辨菽抽序便加耳倦絃歌口厭梁肉布衣若此復欲何求豈不知俛眉苟安保養餘齒何爲不計百口甘冒危難誠感歷朝之遇欲報之於皇室爾昧理之徒謂下官懷無厭之願既貫誠於白日不復明心於殿下若使天必喪道忠節不立政復闔門碎滅

百死無恨但高祖王業艱難太祖劬勞日昃卜世不盡七百之期宗社已成他人之有家國之事未審於聖心何如攸之遣中兵參軍公孫方平馬步三千向武昌太守臧渙棄郡投西陽太守王毓奔於盆口方平因據西陽建寧太守張謨率二守千人攻之方平破走攸之攻郢城久不決衆心離沮昇明二年正月十九日夜劉懷兵燒營入降郢城衆於是離散不可復制將曉攸之斬劉天賜率大衆過江至魯山諸軍因此散走還向江陵未百餘里聞城已爲雍州刺史張敬兒所據無所歸乃與第三子中書侍郎文和至華容界爲封人所斬送攸之初下留元琰守江陵張敬兒剋城元琰逃走第五子幼和幼弟靈和元琰子法先懿子文和子法徵幼和子法茂並爲敬兒所禽伏誅初文和尙齊王女義興憲公主公主早薨有二女至是齊王迎還第內今皇帝卽位聽攸之及諸子喪還葬墓攸之第二子懿太子洗馬先攸之卒攸之弟登之新安太守去職在家爲吳興太守沈文秀所收斬登之弟雍之鄱陽太守先攸之卒詔以雍之孫僧照爲義興公主後雍之與攸之異生諸弟中最和謹尤見親愛攸之性儉吝子弟不得妄用財物唯恣雍之所須輒取齋中服飾分與親舊以此爲常雍之弟榮之尙書庫部郎亦先攸之卒攸之晚好讀書手不釋卷史漢事多所諳憶常歎曰早知

窮達有命恨不十年讀書及攻郢城夜遇風浪米船沉沒倉曹參軍崔靈鳳女幼適柳世隆子攸之正色謂曰當今軍糧要急而卿不意將由與城內婚姻邪靈鳳答曰樂廣有言下官豈以五男易一女攸之歡然意解初攸之招集才力之士隨郡人雙泰真有幹力召不肯來後泰真至江陵賈賣有以告攸之者攸之因留之補隊副厚加料理泰真無停志少日叛走攸之遣二十人被甲追之逐討甚急泰真殺數人餘者不敢近欲過家將母去事迫不獲單身走入蠻追者既失之錄其母而去泰真既失母乃出自歸攸之不罪曰此孝子也賜錢一萬轉補隊主其矯情任筆皆如此初攸之賤時與吳郡孫超之全景文共乘小船出京都三人共上引埭有一人止而相之曰君三人皆當至方伯攸之曰豈有三人俱有此相相者曰骨法如此若有不驗便是相書誤耳其後攸之爲郢荆二州超之廣州景文豫州刺史攸之初至郢州有順流之志府主簿宗儼之勸攻郢城功曹臧寅以爲攻守勢異非旬日所拔若不時舉挫銳損威今順流長驅計日可捷既傾根本則郢城豈能自固攸之不從既敗諸將帥皆奔散惟寅曰我委質事人豈可苟免我之不負公猶公之不負朝廷也乃投水死寅字士若東莞莒人也先是攸之在郢州州從事輒與府錄事鞭攸之免從事官而更鞭錄事